

E.

Latit.
Gr. Scr.

Longit.
Gr. Scr.

37. 15.

87. 45.

Ebal, Genes. 36. v. 23. Filii Sobal: (filii Seir Horrai in Terra Edom five Idumæa) Alvan, & Manahat, & Ebal, & Sepho, & Onam. Sed horum omnium situs non constant.

Ecbatana in variis Sacre Scripturæ locis, nunc Castrum, nunc Oppidum nunc Mons, & tandem Civitas vocatur. 1. Esdræ 6. v. 2. in Ecbatanis, quod est Castrum in Medena Provincia (lege in Medorum Provincia) inventum volumen unum, talisque scriptus erat in eo &c. melius eadem de re in 3. Esdræ 6. v. 13. & inventus est in Ecbatanis Oppido, quod est in Media regione, locus unus, in quo scripta erant ista, &c. Ecbatana Montem vocat Tobias 5. v. 8. In Rages civitate Medorum, quæ posita est in Monte Ecbatanis. Judith Civitatem potentissimam, 1. v. 1. Arphaxad Rex Medorum... ædificavit Civitatem potentissimam, quam appellavit Ecbatanis. Ecbatana proculdubio Civitas fuit totius Mediæ caput, & quæ olim alias omnes urbes Regionum circumvicinarum opibus & operum magnificentia longe superavit intervallo. Ex Polyb. libro 10. Vide Bochartum lib. 3. c. 14. primæ partis Geographiæ suæ sacre.

31. 11.

67. 55.

Ecdippa. V. Aziba.

33. 10.

67. 28.

Edema urbs in Tribu Nephthali, inter Cenereth, & Arama-Afor, Josue 19. v. 36.

Eden, Genes. 4. v. 16. Egressusque Cain à facie Domini, habitavit profugus in terra ad orientalem plagam Eden. Per Eden Paradisum terrestrem intelligi volunt.

37. 20.

73. 10.

Eden in Thalassar, 4. Reg. 19. v. 12. Filii Eden, qui erant in Thalassar. Sic & Isaia 37. v. 11. Filii Eden, qui erant in Thalassar. Forsitanque & idem est in Ezechiele 27. v. 23. sed ubi ipsa Eden, non facile est dicere, ut & Thalassar, nisi Edeffa sit.

30. 7½

66. 31.

Eder secundam recenset Josue in prima parte Tribus Juda, in qua viginti novem urbes, 15. v. 21. Vide Animadv. Eandem cum Hered urbe regia facio, & cum Arad. V. Arad.

30. 0.

65. 30.

Edom. V. Idumæa.

32. 50.

68. 26.

Edrai urbs regia, & altera sedes Og Regis Basan. Deuter. 1. v. 4. Vide Astaroth. Numer. 21. v. 33. Ascenderunt (Israëlitæ) per viam Basan, & occurrit eis Og Rex Basan cum omni populo suo, pugnaturus in Edrai, v. 35. percusserunt eum cum filiis suis, universumque populum ejus... & possederunt terram illius. Eadem penè repetuntur Deuter. 3. v. 3.... est in 2. Manasse.

32. 37.

67. 57½

Edrai alia videtur in Manasse 2.

33. 3.

67. 38.

Edrai-Enhasor unicam facio urbem ad differentiam alterius Edrai, quæ trans Jordanem in 2. Manasse, & ut urbium hujus Tribus numerus ad novendecim reduci possit. Edrai-Enhasor inter Cedus & Jeron est, Josue 14. v. 37. in descriptione urbium Tribus Nephthali. V. Animadv.

31. 34.

66. 21.

Eglon nona inter urbes sexdecim tertiæ partis Tribus Judæ, Josue 15. v. 39. & paulò ante 10. v. 3... Misit Adonisedec Rex Jerusalem ad Oham Regem Hebron, & ad Pharan Regem Jerimoth, ad Japhia quoque Regem Lachis, & ad Dabir Regem Eglon, ut secum ascenderent, & expugnarent Gabaon, quare transfugerit ad Josue, & ad filios Israël; sed eos omnes vicit, & ex spelunca Maceda extractos suspendit Josue, v. 35. urbem Eglon expugnavit, ideoque 12. v. 12. Rex Eglon unus est ex iis, quos percussit Josue.

34. 30.

90. 0.

Elam, alias Ælam, 1. Paralip. 1. v. 17. Filii Sem: Ælam, & Assur, &c. ab Elam Elamitæ populi, qui primum Persæ & Medi, & Parthi; postea-

que